

寬治三年十月四日

| | | |
|-------|---------------|--------|
| 從五位上 | 行直講 | 中原朝臣章貞 |
| 從五位上 | 行直講 | 清原真人定康 |
| 正五位下行 | 助教兼石見守 | 中原朝臣在國 |
| 正五位下行 | 助教兼越中守 | 清原真人 |
| 正五位上 | 主稅頭兼大外記博士伊與權介 | 中原朝臣師平 |

〔朝野群載二十〕薨奏。

太政官謹奏

無位藤原朝臣睦子○藤原實季妻、鳥羽后改子母。

右人去月廿四日卒、今月二日葬、儀制令云、皇帝外祖母喪、不視事三日者、仍錄事狀、謹以申聞、謹奏、

永久二年三月七日

〔玉海〕治承五年閏二月十四日庚申、此日有禪門○平清盛薨奏、雖爲出家之人、依康和之例、被行云云、從今日廢朝三箇日云云、

〔續日本紀十一〕天平五年正月庚戌、內命婦正三位縣犬養橘宿禰三千代薨、遣從四位下高安王等監護喪事、賜葬儀、准散一位、命婦皇后○藤原光明子之母也、

〔續日本紀十二〕天平七年十一月己未、正四位上賀茂朝臣比賣卒、勅以散位葬儀、送之、天皇之外祖母也、

〔續日本紀十二〕天平九年四月辛酉、參議民部卿正三位藤原朝臣房前薨、送以大臣葬儀、其家固辭不受、房前贈太政大臣正一位不比等之第二子也、

〔續日本紀十二〕天平九年七月丁酉、勅遣左大辨從三位橘宿禰諸兄、右大辨正四位下紀朝臣男人、就